

tahi. 35 Hoé ahuru e ma vau i te tau-
sani i te *(aeho ia haati ra: e te i'oa o* | *tava oire ra mai tana mahana maira,*
TEI BKIRA IEHOVA.

TE

BUKA A DANIELA RA.

*To Iehoiakima aratai-titi-raa-hia i Babu-
lonia.*

1 TAE a'era i te toru i te matahiti i te hau o te arii o Iuda o Iehoiakima, i haere mai ai te arii o Babulonia o Nebukanesa i Ierusalem, e ua haati a'era i te nuu. 2 Ua tuu atura Iehova i te arii o Iuda ia Iehoiakima i tana rima, e te tahi pae a'ua no te fare o te Atua, e ua hopoi atura oia i te fenua ra o Senara, i te fare o to'na ra atua: e ua hopoi hoi oia i tava mau a'ua ra i roto i te fare vaira tao'a no to'na atua.

3 Ua faaue a'era te arii ia Asepenaza, i te hoé taata rahi i te feia toroa no'na ra, e aratai mai i te *toofanu* i te mau tamarii a Iseraela, to te hui arii, e to te feia mana atoa ra; 4 i te mau taata api maau ore ra, o tei maitai i te huru i te hi'orea 'tu, e tei ite i te aravihi, e te paari, e te parau i haapiihia ra, o tei tia ia parahi i roto i te fare o te arii ra, e ia haapiihia 'tu i te parau e te mau pou i itea e te mau Kaladato ra. 5 Ua faataa ihora te arii i te tufaa maa na ratou no te mau mahana atoa, no roto i ta'na iho, e no te uaina hoi ta'na i inu ra; e ia na reirahia ratou i te faaamu e ia toru noa 'tu te matahiti, a tia 'tu ai ratou i mua i te aro o te arii ra. 6 O Daniela te hoé i roto i tava mau tamarii o Iuda ra, e o Hanania, e o Misaela, e o Azaria; 7 o tei mairihia te i'oa e te taata rahi o tava feia toroa ra; e o Daniela ra, o Beletesazara ia; e o Hanania ra, o Sadaraka ia; e o Misaela, o Meseka ia; e o Azaria ra, o Abede-nego ia.

8 Te mana'o ra rá te aa'u o Daniela e eiaha vau ia viivii i te tufaa maa a te arii ra, e te uaina ta'na i inu ra: i parau ai oia i te taata rahi i tava feia toroa ra e eiaha oia ia viivii. 9 Ua faarirohia a'era Daniela e te Atua ei taata here-rali-hia e te taata rahi i tava feia toroa ra; 10 ua parau atura tava taata rahi i tava feia toroa ra ia Daniela, Te mātā'u nei au i tau fatu i te arii ra, o tei faataa i ta outou maa e ta outou e inu: o te hi'o mai hoi oia i to outou mata i te huru-ino-raa, aore i au i to te mau taata api atoa hoé à ui e outou ra,

e riro paha tau upoo i te tāpūhia e te arii. 11 Ua parau atura Daniela ia Melezara, i tei haapaohia e te taata rahi i tava feia toroa ra ei tia i Daniela, e ia Hanania, e ia Misaela, e ia Azaria ra, Teie ta'u parau ia oe, 12 E tamata noa mai na i to mau tavini nei, e ia rui ahuru a'e; ei pipi ta ratou e ho-mai na matou e amu, e ei pape hoi te inu. 13 A hi'o mai ai oe i to matou mata i mua i to aro na, e te mata atoa o te mau taata tei amu i te tufaa maa a te arii ra: e ia ite oe ra, a na reira i te haapoo i to mau tavini nei. 14 Ua faaroo atura hoi oia i ta ratou parau, e ua tamata ihora ia ratou e rui ahuru a'era. 15 E hope a'era tava na rui hoé ahuru ra, te vai maitai ra to ratou mata e te poria hoi i te mata o te mau taata api atoa ra tei amu i te tufaa maa a te arii ra. 16 Ua rave ihora Melezara i tava tufaa maa na ratou ra, e te uaina i haapaohia na ratou ra; e ua tuu maira i te pipi na ratou.

17 Ua horoa maira te Atua i teie nei pue tamarii toomaha i te ite e te paari, i te mau parau atoa e te aravihi; e ite hoi to Daniela i te mau orama e te maa taoto. 18 E hope a'era na mahana i haapaohia e te arii e arataihia mai ai tava mau taata ra, na aratai maira tava taata rahi no te feia toroa ra ia ratou i mua i te aro o Nebukanesa ra. 19 Ua paraparau ihora te arii ia ratou; e aitu roa te hoé i itea i roto ia ratou atoa e au ia Daniela, e ia Hanania, e ia Misaela, e ia Azaria ra: tia 'tura ratou i mua i te aro o te arii. 20 E te mau parau paari atoa e te ite, ta te arii i ui ia ratou ra, ite atura oia e ua hau é to ratou ite i to te mau taata paari e te mau hi'o e ati noa "e to'na atoa ra fenua. 21 Te ora noa ra Daniela e tae noa 'tura i te matahiti matamua o te arii ra o Kuro.

Ta Daniela faaiteraa i te taoto a Nebukanesa i moc ra.

2 E TAE a'era i te piti o te matahiti o te hau o Nebukanesa, taotoohia ihora Nebukanesa, e naho roa a'era to'na varua i tava taoto ra, e aitu 'tura to'na taoto i mairi. 2 Ua faaue atura

DANIELA, 2.

te arii e parau atu i te mau taata paari, e te mau hi'o, e te mau taata peu, e te mau Kaladaio, ia faaite mai ratou i te arii i taua taoto no'na ra: ua haere maira ratou, e ua tia maira i mua i te aro o te arii. 3 Ua parau atura tejarii ia ratou, E taoto to'u, e ua ahoaho'tau varua ia ite au i taua taoto ra. 4 Ua parau maira te mau Kaladaio i te arii, i te re'o Arama, E te arii e, ia ora oe e a muri noa 'tu: a faaite mai na oe i to mau tavini nei i tena na taoto, e na matou e faaite i te faaauraa. 5 Ua parau atura te arii, na ô atura i taua mau Kaladaio ra, Teie ta'u parau, ia ore outou ia faaite mai ia'u i taua taoto nei e te faaauraa atoa ra, e tãpũpũ outou, e e faarirohia to outou mau fare ei puea: 6 ia faaite mai rã outou i taua taoto nei, e te faaauraa atoa ra, e tao'a ta outou e noaa ia'u nei, e utua rahi ta outou, e te tura rahi: e tena na, e faaite mai outou i taua taoto nei, e te faaauraa atoa. 7 Ua parau maira ratou, na ô maira, A faaite mai na te arii i tena mau tavini nei i to'na taoto, e na matou e faaite atu i te faaauraa. 8 Ua parau atura te arii, na ô atura, Ua ite au e, o te taima ta outou e noaa, no te mea na ite outou i tei haapaohia e au ra. 9 Ia ore rã outou ia faaite mai ia'u i taua taoto nei, aita 'tu e parau ia outou, no te mea ua opua outou i te haavare e te ino e ia mahoru atu i taua tau nei: e tena na, e faaite mai outou i taua taoto ra, e ite ia vau i reira e tia ia outou ia faaite mai i te auraa. 10 Ua parau maira te mau Kaladaio i te arii, na ô maira, Aore roa ia e taata i te ao nei e tia ia faaite atu i te arii i teie nei parau, aore roa hoi e arii, aore e tavana, aore e taata mana, i ni i te parau mai tena te huru, i te mau taata paari, e te mau hi'o, e te mau Kaladaio. 11 I tena na parau ta oe e ui mai na, e te arii, aore roa ia taata e tia i ia faaite i te arii, i te imi atã, maori rã o te mau atua, o tei ore i parahi i te tino taata nei. 12 Tei te faarooraa te arii i taua parau ra, riri a'era, hotu roa a'era te riri, e ua fanue atura e rave i te mau taata paari atoa i Babulonia e taparahi. 13 Reva 'tura taua parau ra, e rave i te mau taata paari e taparahi: ua titau atura ratou ia Daniela e tena mau hoa ra ia taparahihia. 14 Ua ui maitai noa 'tura Daniela, ma te haapao maitai, i te raatira o te mau tiai i te arii ra ia Arioka, o tei haere e taparahi i te mau taata paari i Babulonia: 15 e ua parau atura i taua raatira o te arii ra ia Arioka, na ô atura, Eaha ra teie nei parau i ru-noa-hia i e te arii? Ua faaite a'era Arioka ia Daniela i taua parau ra. 16 Ua haere atura Daniela e ua parau atura

i te arii, ia tnu noa mai oia i te tahi maa taine, e na'na e faaite atu i te arii i taua taoto e te auraa atoa ra. 17 Ua haere ihora Daniela i to'na ihora utua-fare, e ua faaite atura ia Hanania, e ia Misaela, e ia Azaria, i na hoa no'na ra: 18 ia pure ratou i te Atua no te ra'i, ia arohania mai i taua parau moe ra; e ia ore Daniela ia taparahihia, e tena mau hoa atoa, e te mau taata paari atoa i Babulonia.

19 Faaitehia maira taua parau moe ra ia Daniela i te orama i te po ra; e ua haamaitai atura Daniela i te Atua o te ra'i. 20 Ua parau atura Daniela, na ô atura, Ia haamaitahia to te Atua ra i'oa e a muri noa 'tu: o te ite hoi e te puai, tei ia'na ia: 21 tei ia'na hoi te fanau i te taine e te mau anotau: tei ia'na hoi te tuu i te mau arii i raro, e tei ia'na hoi te haamau i taua mau arii ra: o tei horoa mai i te paari i te feia i paari, e te ite i te feia i noaa ia ratou te ite: 22 e faaite mai à oia i te parau hohonu e te parau aro: oia te ite i to roto i te pouri, e tei ia'na te maramarama i te vairaa. 23 Te haamaitai nei au ia oe, te arue nei au ia oe, e te Atua o tau mau metua, o tei horoa mai i to ite e te puai no'u, e ua faaite mai oe ia'u i ta matou i ani atu ia oe ra: ta te arii i liinaaro ra, ua faaite mai oe ia matou.

24 Haere atura Daniela i roto ia Arioka ra, tei haapaohia e te arii ei taparahi i te mau taata paari i Babulonia ra: haere atura oia, e ua na ô atura ia'na, Eiaha e taparahihia te mau taata paari i Babulonia: o vau ta oe e aratai i mua i te aro o te arii ra, e na'u e faaite atu i te arii i to'na taoto e te auraa atoa ra. 25 Ua aratai eteata 'tura Arioka ia Daniela i mua i te aro o te arii ra, e ua na ô atura ia'na; Ua itea ia'u te hoë taata no te mau titi no Iuda ra, e na'na e faaite i te arii i to'na taoto e te auraa atoa ra. 26 Ua parau maira te arii ia Daniela, o Beletesazara te i'oa, na ô maira, E tia anei ia oe ia faaite mai ia'u i te taoto i itea ia'u nei, e te faaauraa atoa? 27 Ua parau atura Daniela i te arii, na ô atura, Tava parau i moe ra ta te arii i ui, e ore te mau taata paari, e te mau tahutahu, e te mau hi'o, e te mau taata peu paari, e tia ia faaite i te arii; 28 e Atua tei te ra'i o tei faaite mai ia i te parau moe, o te faaite mai ia i te arii ra ia Nebukanesa, i te mau mea e tupu i te mau mahana hopea ra. O te taoto na oe ra, e te ria a to upoo i nia i to roi ra, o teie nei ia; 29 o oe ra, e te arii, i tupu to oe mana'o i nia i to roi na, i te mau mea e tupu a muri atu: e o tei faaite mai i te parau aro ra, ua faaite ia ia oe i te mau parau e tupu a muri

atu. 30 Area van nei, aore tele nei parau aro i faatehia mai ia'u nei no te mea te rahi nei to'u paari i to te taata atoa e ora nei, ia faatehia rā te auraa i te arii ra, e ia ite hoi oe i to oe mana'o i roto i to aau na.

31 Te ite ra oe, e te arii, e inaha te hoē tii rahi: e o taua tii rahi ra hoi e te anaana, ua tia maira ia i mua i to aro ra, e mea riaria hoi te huru. 32 Te upoo o taua tii nei, e auro maitai ia, e te ouma e na rima, e ario ia e te opu e te humaha, e veō ia. 33 O na avae ra, e auri ia, e te tapuae ra e auri te tahi pae e araea hoi te tahi pae. 34 Te hi'o noa ra oe e ootihia mai te hoē ofai aita rā e rima, e ua tiaia 'tura taua ofai ra i taua tii ra i to avae auri e te araea, e parari roa a'era. 35 Parari atoa 'tura te auri, e te araea, e te veō, e te ario, e te auro, riro atura mai te ota i te mau vahī papāraa auhune ra; puehu ē atura i te mata'i, e aita 'tura e vaira; riro atura taua ofai i tiaia i taua tii ra, ei mou'a rahi, e faai roa a'era i te ao atoa nei. 36 O taua taoto ra ia: e na matou e faaite noa 'tu i te arii i te faaauraa i taua taoto ra.

37 O oe ra, e te arii, e arii ia no te mau arii atoa ra: ua horoa mai hoi te Atua o te ra'i i te basileia na oe, e te puai, e te etacta, e te hinuhinu. 38 E te mau vahī atoa i parahihia e te taata nei, e te mau puaa o te aihere, e te manu o te reya nei, ua horoahia ia tei to rima, e tei ia oe te parau ia ratou atoa ra: o oe taua upoo auro nei. 39 E muri a'e ia oe, e tupu ai te tahi basileia ē, e iti a'e ia ia oe, e te tahi basileia, o te toru ia, e veō ia, ei ia'na te parau i te ao atoa nei. 40 E te maha o te basileia, e riro ia i te etacta mai te auri: e mai te mea e parari e e paruparu te mau mea atoa nei i te auri: e na te reira e haaparari e ia paruparu te mau mea atoa, mai te mau mea e parari i te auri ra. 41 E mai ta oe i ite ra i te tapuae e te manimani, e araea potera e tahi pae, e auri hoi e tahi pae, e amaha ia taua basileia ra; e vai ā rā te etacta auri i roto, mai ta oe hoi i ite ra i te auri i ano'i-atoa-hia i te araea tararapu ra. 42 E mai na manimani avae ra e auri e tahi pae, e araea e tahi pae, oia atoa taua basileia nei, e riro i te etacta tahi pae e parari tahe pae. 43 E mai ta oe hoi i ite i te auri e ua ano'ihia i te araea tararapu, e riro ratou i te ano'i noa i te taata atoa no te mau fenua, e ore rā ratou iho o ati te tahi e te tahi, mai te auri nei e ore e tia ia ano'i i te araea ra. 44 Ia tae i te anotau o taua mau arii ra, e faatupu ai te Atua o te ra'i ra i te hoē basileia, o te ore roa ia e mou, e ore roa hoi e riro ia vetahi ē; e hope roa hoi taua mau basileia ra i te

parari e e pau, e vai tera e a muri noa 'tu: 45 mai ta oe hoi i ite ra e ooti-noa-hia mai taua ofai ra no roto i te mou'a aore e rima, e na te reira i haaparari i te auri, e te veō, e te araea, e te ario, e te auro: te faaite maira te Atua rahi i te arii i te mau mea'e tupu a muri atu: e mea mau hoi taua taoto nei, e te haavare ore hoi te faaauraa.

46 Ua tahopu maira taua arii ra o Nebukanesa ia Daniela, e ua faue atura ia hopoihia te tusia e te mea no'ano'a ia'na. 47 Ua parau maira te arii ia Daniela, na ē maira, E Atua mau ā to outou Atua no te mau atua atoa nei, e te Fatu no te mau arii nei, e te faaite hoi i te parau aro, i tia 'i ia oe i te faaite mai i tele nei parau aro. 48 Ua faarali atura te arii ia Daniela, e ua horoa 'tura i te tao'a rahi na'na, faariro atura ia'na ei tinau i nia i te mataeinaa atoa ra o Babulonia, e oia 'tura te tavana rahi i nia i te mau taata paari atoa i Babulonia ra. 49 Ua parau atura Daniela i te arii, e ua tuu a'era oia ia Sadaraka, e ia Meseka, e ia Abede-nego, ei nia ia i te mau parau atoa i te mataeinaa i Babulonia ra; araea Daniela, purahi atura ia i roto i te uputa o te arii ra.

To Nebukanesa faatitaraa i te tii rahi auro
i Dura ra.

3 HAMANI ihora te arii ra o Nebukanesa i te hoē tii auro, e ono ahuru te kubiti i te teitei, e ono hoi kubiti i te aano: e ua faatia a'era oia i taua tii ra i te vahī papu ra i Dura, i te mataeinaa ra i Babulonia. 2 Ua tono a'era te arii ra o Nebukanesa i te vea e ope mai i te mau arii, e te mau tavana, e te mau raatira, e te mau haava, e te feia mau tao'a, e te mau faaa'o, e te mau tiaau, e te mau tavana i te mau mataeinaa ra, e haere mai i te haamo'araa i te tii i faatiahia e te arii ra, e Nebukanesa. 3 Ua haaputupu maira te mau arii, e te mau tavana, e te mau raatira, e te mau haava, e te feia mau tao'a, e te feia faaa'o, e te mau tiaau, e te mau tavana i te mau mataeinaa ra, i te haamo'araa i te tii i faatiahia e te arii ra, e Nebukanesa. E ia tia ana'e ratou i mua i taua tii i faatiahia e Nebukanesa ra. 4 Ua tiaoro maira te poro, Te faatehia 'tu na outou, e te mau taata na, e te mau fenua na, e te re'o ēē atoa ra, 5 ua ite ana'e outou i te oto o te pu, e te vivo, e te kinura, e te sabaka, e te nabala, e te sumephonia, e te mau mea atoa i faatohia ra, e tipapa outou i roro i reira haamu'ori ai i te tii auro i faatiahia e te arii ra, e Nebukanesa: 6 e o te ore e tipapa i raro a haamori ai, ei taua hora ra oia e tii'ihia 'i i roto i te umu auahi ura ra. 7 E tae a'era i

te taima i ite ai to mau taata i te oto pu, e te vivo, e te kinura, e te sabaka, e te nabala, e te mau mea atoa i faatohia ra, ua tipapa ihora te mau taata atoa i raro, e te mau fenua, e te re'o e'e atoa, e ua haamori atura i te tii auro ta te arii ra ta Nebukanesa i faatia ra.

8 Ua haafatata maira te tahi pae Kaladaio i reira, ua tihotiho maira i te ati Iuda. 9 Ua parau maira ratou, na o maira i te arii ra ia Nebukanesa. E te arii e, ia ora roa oe. 10 Ua faatia oe i te ho'e parau, e te arii, e te taata i ite i te oto o te pu, e te vivo, e te kinura, e te sabaka, e te nabala, e te sumephonia, e te mau mea e faatohia ra, o te tipapa ia i raro haamori ai i te tii auro ra; 11 e o tei ore e tipapa i raro a haamori ai, e hurihia ia i roto i te umu auahi ura ra. 12 Teie hoi e toofanu pue ati Iuda i tuhia e oe i nia i te haapaora o te mataeinaa ra o Babulonia; o Sadaraka, e o Meseka, e o Abede-nego; aore taua mau taata nei i haapaora ia oe, e te arii: aore ratou i haamori i to oe ra mau atua, aore hoi i haamori i te tii auro ta oe i faatia ra.

13 Ua faave atura Nebukanesa ma te riri rahi u'ana no'na ra, e aratai mai ia Sadaraka, e ia Meseka, e ia Abede-nego ra. Ua aratai maira ratou i taua na taata ra i mna i te aro o te arii. 14 Ua parau maira Nebukanesa, na o maira ia ratou, E parau mau anei, e Sadaraka, e Meseka, e Abede-nego, e ore outou e haamori i to'u nei mau atua, e ore hoi e haamori i te tii auro ta'u i faatia ra? 15 E tena na, ia ite outou i te oto o te pu, e te vivo, e te kinura, e te sabaka, e te nabala, e te sumephonia, e te mau mea e faatohia ra, te tipapa ra outou i raro te haamori ra i te hohoa i hamanihia e au nei, ua tia ia; ia ore ra outou ia haamori ra, ei taua hora ra outou e hurihia i roto i te umu auahi ura ra, e o vai te Atua e faaora ia outou i to'u nei rima? 16 Ua parau atura Sadaraka, ratou o Meseka, e Abede-nego, na o atura i taua arii ra, E Nebukanesa, aore ra matou i ru i te parauras 'tu ia oe i tena na parau. 17 Ia hinaaro oia iho, e tia ia i to matou Atua e haamori nei ia faaora oia ia matou i te umu auahi ura ra, e tia ia ia'na ia faaora ia matou i to rima, e te arii; 18 ia ore ra oia ia hinaaro, e ore a matou e haamori i to oe ra mau atua, ia ite mai oe, e te arii, e ore hoi e haamori i te tii auro i faatiahia e oe ra.

19 I roa a'era Nebukanesa i te riri rahi, e huru e atura taua mata ia Sadaraka, e ia Meseka, e ia Abede-nego: ua parau atura oia, faape atura ia tahu ratou i te umu ra, e ia tahiitu te tahuraa i te mau tahuraa atoa ra. 20 E ua faave atura oia i to feia puai rahi i te nun

atoa no'na ra e ruuruu ia Sadaraka, e ia Meseka, e ia Abede-nego, e huri hoi ia ratou i roto i te umu auahi ura ra. 21 Ruuruuhia ihora taua pue taata ra, ma te ahu, e te taupoo, e te ahu tipona, e te mau ahu atoa ra, e hurihia ihora i roto i te umu auahi ura ra. 22 E no te mea te ru ra te faave a te arii ra, e ua rahi roa te umu i te ama, pohe roa a'era taua mau taata ra, o tei rave ia Sadaraka, e ia Meseka, e ia Abede-nego ra. 23 O eie nei ra pue taata tootoru, o Sadaraka, e o Meseka, e o Abede-nego ra, mairi ihora ia i raro ma te ruuruuhia i rotopu i taua umu auahi ura ra.

24 Ua maere noa ihora te arii ra o Nebukanesa i reira, e ua tia ru noa maira, ua parau maira, na o maira i te mau faaa'o no'na ra, E ere anei tootoru a ratou tau taata ruuruuhia i huri i roto i te auahi? Ua parau atura ratou, na o atura i te arii, E te arii, e parau mau. 25 Ua parau maira oia, na o maira, Inaha, te ite nei au i na taata toomaha ma te tapea ore, i te haere-noa-ras no roto i te auahi e aore roa e ma'i; e te huru o te toomaha ra mai te Tamaiti ia a te Atua ra.

26 Ua haafatata maira Nebukanesa i te auvaha o taua umu auahi ura ra, e ua parau atura, na o atura, E Sadaraka, e Meseka, e Abede-nego, e na tavini o te Atua teitei, e haere mai i rapae, e haere mai i o nei. Ua haere maira Sadaraka, e o Meseka, e o Abede-nego i rapae mai rotopu mai i te auahi ra. 27 E putuputu maira te mau arii, e te mau tavana, e te mau raatira, e te mau faaa'o o te arii ra, ua li'o ihora i taua na taata ra, ite a'era e aore roa to ratou tino i faa i te auahi, aore roa hoi te ho'e io rouru o to ratou upoo i ama, aore hoi to ratou ahu i huru e, aore hoi i mau mai te hau'a auahi i nia ia ratou. 28 Ua pargu ihora Nebukanesa, na o a'era, ia haamaitahia te Atua no Sadaraka, e no Meseka, e no Abede-nego, o tei tono mai i tana melahi e ua faaora i to'na pue tavini i tiaturi ia'na ra, e ua faaore a'enei i ta te arii ra parau, e ua horoa noa mai i to ratou tino ia ore ratou ia haamori, ia ore ia tavini atu i te tahi atua e, maori ra o to ratou ihora Atua. 29 E teie nei, te faatupu nei au i te ho'e parau, E te mau taata, e te fenua, e te mau re'o e'e atoa ra, ia faaino mai i te Atua no Sadaraka, e no Meseka, e no Abede-nego, e tapupuhia ia, e faarirohia ia to ratou mau fare ei puea: no te mea aita 'tu Atua e tia i ia faaora mai teie nei te huru. 30 Ua faateitei ihora te arii ia Sadaraka, e ia Meseka, e ia Abede-nego, i taua mataeinaa ra i Babulonia.

Te fa'i nei Nebukanesa i te mure ore o te basileia o te Atua.

4 TE arii ra o Nebukanesa i te mau taata atoa ra, e te mau fenua atoa, e te mau ra'o atoa e vai nei, i te parahi haerea i te ao atoa nei: Ei hau rahi to outou. 2 E mea tja ia'u ia faaite i te mau tapao, e te mau piri i ravehia i te Atua teitei ia'u nei. 3 E tapao rahi mau à ta'na! e te puaf rahi mau ta'na ra mau piri! to'na basileia, e tia ia i te vai'raa, e to'na hau i tera ui, i tera ui.

4 O vau nei o Nebukanesa, te parahi hau noa ra vau i to'u ra fare, e te maitai noa ra vau i roto i to'u ra aorai. 5 I faaheitaotohia mai au e roohia ihora vau e te māta'u, e ahaho a'era vau i te mana'o i nia i tau roi e te orama i tau upoo ra. 6 I faatupu ai au i te hoé parau e aratai mai i te mau taata paari atoa i Babulonia i mua ia'u nei, ia faaite mai ratou ia'u i te auraa i taua taoto ra. 7 Ua haere maira te mau taata paari, e te mau hi'o, e te mau Kaladaio, e te mau tahutahu: e ua faaite atura vau i taua taoto ra ia ratou; aita rā ratou i faaite mai ia'u i te auraa i taua taoto ra. 8 E te hopea ihora, ua haere maira Daniela i mua ia'u, o Beletesazara to'na i'oa, o te i'oa ia o tau atua; e no te mea tei ia'na te varua o te mau atua mo'a ra, ua faaite atura vau i taua taoto nei ia'na.

9 E Beletesazara, o te tavana no te man taata paari ra, no te mea ua ite au e, tei roto ia oe te varua o te mau atua mo'a ra, e aita oe e imi taiata i te mau mea moe atoa ra, e faaite mai oe i te orama i taua taoto no'u i itea e au ra, e te auraa atoa ra. 10 Teie te huru o taua orama i tau upoo i nia i tau roi ra; Hi'o atura vau, e inaha, e raau tei ropu i te fenua i te tiaraa, e teitei rahi roa to'na. 11 Tupu atura taua raau ra, e etseta 'tura, e ua taea roa te mau ra'i i te teitei, e itea-noa-hia ia hi'o e tae noa 'tu i te hopea o te mau fenua atoa nei: 12 e nehenehe rahi to te rau o taua raau ra, e ua rahi roa te hotu, o ta te taata atoa ra ia maa: e te mau puua atoa o te fenua nei tei raro a'e i to'na māru, e tei nia i to'na amaa te mau manu atoa o te reva nei, e o tei amuhia ia e te mau mea atoa nei. 13 Ua hi'o ihora vau i taua orama i tau upoo i nia i tau roi ra, e, inaha, e tini, e mea mo'a ia, o tei pou mai i raro mai te ra'i mai: 14 ua pii hua maira oia, na ô maira, A tāpū na i te raau ia hi'a, a tāpūpū ai i te mau amaa, a uete i te rau i raro, e haapurara i te mau maa: e ia haere é hoi te puua i raro a'e ia'na, e te mau manu pererau i nia i to'na mau amaa: 15 e vaiiho-rā i te tumu e te aa i raro i te repo, ia haamauhia i te ruuruu auri

e te veo i roto i te aihere rii o te fenua nei; e ia rari oia i te hau no te ra'i mai, e ia riro hoi ta'na tufaa i roto i te mau puua i te aihere o te fenua nei: 16 ia faahuru-é-hia to'na auu eiaha ei aau taata, e ei auu puua te tuhia mai ia'na; e ia hitu noa 'tu i te matahiti i te na niaraa ia'na ra. 17 Na te feia tiai teie nei parau, e na te feia mo'a ra teie nei mea, ia ite te feia e ora nei, e e mana to Tei Teitei ra i te basileia o te taata, e te horoa nei i ta'na ra taata hinaaro, e te uuu nei i te feia haehaa roa i nia iho. 18 O ta'u teie nei taoto, ta te arii ta Nebukanesa; e na oe, e Beletesazara, e faaite mai i to'na auraa, no te mea aore roa te mau taata paari atoa i to'u ra basileia e tia ia faaite mai i te auraa: o oe rā, e tia ia ia oe; no te mea, tei roto ia oe te varua o te mau atua mo'a ra.

19 Maere noa ihora Daniela, o Beletesazara atoa te tahi i'oa ra, e hoé a'era hora, taiā a'era oia i to'na mana'o. Ua parau maira te arii, na ô maira, E Beletesazara, eiaha e taiā i te taoto nei e te auraa atoa ra. Ua parau atura Beletesazara, na ô atura, E tau fatu, ei te feia i riri mai ia oe ra taua taoto nei, e te auraa ra, ei to oe ia mau enemī. 20 Te raau ta oe i ite ra, o tei tupu, e etaeta 'tura, e ua taea te ra'i i to'na teitei, e tei itea-noa-hia e ati noa "e te fenua nei; 21 tei nehenehe to'na rau, e te rahi hoi o to'na hotu, e e maa hoi na te taata atoa ra tei nia iho; o tei parahihia e te mau manu o te fenua nei, e tei riro to'na mau amaa ei parahiraa no te mau manu o te ra'i ra: 22 o oe taua raau nei, e te arii, ua tupu oe e ua etaeta: ua rahi hoi oe e ua taea te ra'i ra, e to oe ra hau i te hopea mai o te fenua nei. 23 E o oe hoi te arii i ite i te tahi tiai, i te tahi mea mo'a ra, i te pouraa mai mai nia mai i te ra'i ra, e te na ôraa mai, A tāpū na i te raau ia hi'a i raro, e faaore atu; e vaiiho rā i te tumu e te aa i raro i te repo, e ia haamauhia i te tahi ruuruu auri e te veo; e rari oia i te hau no te ra'i ra i te aihere rii o te fenua nei, e riro ta'na tufaa i roto i te mau puua o te fenua nei, e ia hitu noa 'tu te matahiti i te na niaraa ia'na ra: 24 teie te suraa, e te arii e; e teie hoi te parau a Tei Teitei, te roohia mai tau fatu te arii ra: 25 e tiahia ratou ia oe i rapae, eiaha e amui i te taata nei, e riro to oe parahiraa i roto i te mau puua o te fenua nei, e faaamu hoi ratou ia oe i te aihere mai te mau puatoro ra, e rari hoi oe i te hau o te ra'i ra, e ia hitu noa 'tu te matahiti i te na niaraa ia oe ra, ia ite oe e, tei te Teitci te hau i te basileia o te taata nei, e na'na e horoa i ta'na ra taata hinaaro. 25 E o ratou hoi i parau

e vaiiho i te tumu raau i te aa ra; e riro no oe mau taua basileia no oe nei, ia ite ra' o e, tei te ra'i te hau. 27 E teie nei, e te arii, e farii mai oe i ta'u nei a'o, e faarus e atu oe i ta oe ra mau hana i te raveraa i te parau-tia ra, e ta oe ra parau ino i te hamani maitai i te taata rii; peneia'e o te huru maoro a'e to oe ra maitai i reira.

28 I roohia-mau-hia taua arii ra o Nebukanesa e teie atoa nei mau parau. 29 E hope a'era na marama ho'e ahuru e ma piti, te hahaere noa ra oia i nia iho i te aorai i te basileia i Babulonia, 30 ua parau ihora taua arii ra, na o a'era, E ere anei teie o Babulonia rahi, i patuhia e au nei ei parahiraa arii no'u i te mana o to'u nei puai, e ia tura tu vau o te arii nei? 31 E aore a'era i mute rea taua parau i te vaha o te arii ra, ua mairi maira te tahi re'o no te ra'i mai, na o maira, E te arii, e Nebukanesa, o oe teie i parahia nei; 32 ua riro e to oe ra basileia. E tiahia e atu ratou ia oe, eialha e amui i te taata nei, e riro to oe parahiraa i roto i te mau puua o te fenua nei; e amu hoi oe i te aihere mai te mau puatoro nei, e a hita a'era o oe matahiti i te na niaraa ia ue ra, e ia ite oe e, tei te Teitei te hau i te basileia o te taata nei, e ua haurua hoi i ta'na ra taata hinaaro. 33 Tupu atura taua parau ra ia Nebukanesa i taua hora ra: tiahia-e-hia oia i te amuraa i te taata nei, e ua amui i te aihere mai te puatoro ra, e ua rari to'na tino i te hau o te ra'i, e tupu atura te huruhuru mai to te aeto ra, e to'na maiuu mai to te manū ra.

34 E hope a'era taua mau mahana ra, ua nana atura vau, o Nebukanesa, i tau mata i nia i te ra'i, ia iho faahou maira taua hira taata ia'u ra, haamaitai atura vau i Uai Teitei ra, e ua haamaitai au e ua faateitei atura vau ia'na i te tia i te orara ra, o te vai a to'na hau e te mana e a muri noa 'tu, e to'na-basileia e tia ia i te vairaa i tera ui, i tera ui. 35 E te taata atoa o te ao nei, mai te faufaa ore ia i ta'na haapaoraa: e te rave nei oia i tana hinaaro i te nuu atoa o te ra'i ra, e te taata atoa o te fenua nei: e aore roa e faaore i ta'na e rave ra, e e tia hoi ia parau atu e, Te aha noa na oe? 36 E ua iho faahou maira taua hira taata ia'u ra, e te hinuhinu o to'u ra basileia, e te tura no'u ra, e tan nehenehe i te ho'iraa mai: ua imi mai hoi te mau faaa'o e te mau taata mana ia'u, e haapuhia ihora vau i to'u ra basileia, e ua faarahihia mai to'u nei hanahana arii e ua rahi. 37 E teie nei, te haamaitai nei au, o Nebukanesa, te faarahi nei, e te faateitei nei i te Arii o te ra'i, e parau mau ana'e te mau parau atoa na'na, e te au ana'e ra ta'na ra mau

haapaoraa: e te feia haerea teoteo ra e tia ia'na ia tuu haehaa.

Te ocoa a te arii ra a Belesazara na te feia mana i o na ra.

5 UA faatupu ihora te arii ra o Belesazara i te tahi ocoa rahi amuraa maa, no te taata mana ho'e tausani, e ua inu ihora i te uaina i mua i taua tausani atoa ra. 2 Ua faaue a'era Belesazara i te inuraa i taua uaina ra, e hopoi mai i na farii auro e te arii, i ravehia mai e tana metua e Nebukanesa, i roto i te hiero i Ierusalem; ei inuraa na te arii, e na te mau arii atoa no'na, e na te mau vahine, e na te mau vahine tavini. 3 E ua hopoihia maira te mau farii auro i ravehia mai no roto i te hiero, i te fare o te Atua i Ierusalem; e ua inu ihora te arii, e te pupū arii atoa ra, e te mau vahine na'na, e te mau vahine rii. 4 Ua inu ratou i te uaina, e ua haamaitai i te mau atoa auro, e te arii, e te veo, e te auri, e te raau, e te ofai. 5 E tei taua hora ra, te itearaa mai te rimarima taata ra, i te papairaa i mua mai i te lamepa i nia i te puai i te patu i te aorai a te arii ra: e ua ite hoi te arii i te rima e papai ra. 6 Huru e atura te mata o te arii, e ahoaho a'era to'na mana'o, e ua tuara to'na tuatiraa ivi aremu ra, e ua paaraa ihora na tui te tahi e te tahi. 7 Ua pii hua tura te arii e aratai mai i te mau hi'ohi'o, e te mau Kaladaio, e te mau tahutahu. Ua parau atura te arii, na o atura i te mau taata paari no Babulonia, O te taio i teie nei parau, e ua faaite mai ia'u i te auraa, e faahuhia ia i te ahu ura, e te fifi auro i nia i tana a'i, e riro hoi oia i te tootoru i te manarua i te basileia nei. 8 Ua haere ana'e maira te mau taata paari atoa i o te arii ra: e aita a'era i tia ia ratou ia taio i taua parau ra, e aita hoi i tia ia faaite i te arii i te auraa.

9 Ahoano roa a'era taua arii ra o Belesazara, e huru e atura tana mata, e te maere noa ra te mau taata mana atoa i o na ra. 10 O te arii vahine ra, no te parau a te arii e ta te mau taata mana i o na ra, ua haere maira i roto i te fare amuraa maa: ua parau maira taua arii vahine ra, na o maira, E te arii, ia ora roa oe e a muri noa 'tu, eialha oe e ahoaho i to oe mana'o, e eialha hoi ia huru e to mata na: 11 te parahi nei te ho'e taata i to oe nei basileia, tei roto ia'na te varua o te mau atoa mo'a ra; e itea ihora te maramama, e te ite, e te paari, mai te paari o te mau atoa ra, i roto ia'na, i te hau o to metua ra; o tei faarirohia e to metua, e te arii ra e Nebukanesa, ei tavana no te mau taata paari, e te mau hi'ohi'o, e te mau Kaladaio, e te mau tahutahu; 12 no te

mea, te itea ra to varua maitai, e te ite, e te aravihi, e te faaite i te auraa i to taoto, e te tatararaa mai i te parau sifi, e te faataaraa i te parau itea ore, i roto ia'na i taua taata ra ia Daniela, o tei mairihia e te arii, ia' Beletesazara: e teie nei, o Daniela te tii atu, o na'na e faaite mai i te auraa.

13 E i aratahia maira Daniela i mua i te arii ra. Ua parau atura te arii, na o atura ia Daniela, O oe anei taua Daniela no te mau tamarii o Iuda i pau ra, o tei aratai hia mai e tau metua e te arii mai Iuda mai? 14 Ite noa a'enei au ia oe, e tei roto ia oe te varua o te mau atua, e te vai ra te maramarama, e te ite, e te aravihi maitai, i roto ia oe. 15 E teie nei, ua aratahia mai te mau taata paari, e te mau hi'ohi'o i mua ia'u nei, ia taio ratou i taua parau nei, o faaite mai hoi ia'u i te auraa; aita a'era ra i tia ia ratou ia faaite mai ia'u i te auraa: 16 ite a'enei ra vau ia oe, e te tia ia oe ia faaite mai i te auraa, e ia faataa i te parau itea ore; e teie nei, ia tia ia oe ia taio i taua parau nei, e ia faaite mai ia'u i te auraa, e faaahubia oe i te ahu ura, e te sifi auro i nia i to a'i, e o te tootoru oe i te mana i teie nei basileia.

17 Ua parau maira Daniela, na o maira i taua arii ra, E i ia oe iho ta oe tao'a, e ta oe ra utua rahi e hopoi atu ia na vetahi 6; e taio ra vau i taua parau nei i te arii, e na'u e faaite ia'na i te auraa. 18 O oe na, e te arii, ua horoa mai te Atua teitei i te ho'e basileia, e te mana, e te hanahana, e te tura i to metua ra ia Nebukanesa: 19 e no te mana ta'na i hopoi atu no'na ra, ua rurutaina te taata atoa, e te mau fenua, e te mau re'o 66 atoa ra, e ua ma'a'u i mua ia'na ra: o ta'na i hinaaro i te taparahi ua taparahi; e ta'na i hinaaro i te faaora ua faaora; e o ta'na i hinaaro i te faateitei ua faateitei; e ta'na i hinaaro i te tuu i raro ua tuu i raro. 20 Ia teitei ra tana aau, e ia paari tana aau i te teoteo, e tuuhia ihora oia i raro i te terono i to'na basileia, e rivena-hia ihora to'na hinuhinu: 21 e i tiahi-hia ihora oia i te amuiraa i te taata nei; e ua faarirohia to'na aau mai to te puua, e i roto i te mau asini oviri to'na parahira; e amu a'era oia i te gilhere mai te mau puatoro ra, e ua rari to'na tino i te hau o te ra'i ra; e ite a'era oia e, tei te Atua teitei te hau i te mau basileia o te taata nei, e na'na e haapao noa 'tu i to'na taata i hinaaro ra no nia iho. 22 E o oe hoi, e te tamaiti, e Belesazara, aore hoi oe i faahechan i to oe aau, ite noa i oe i taua mau parau nei: 23 ua faateitei ra oe ia oe iho i te Fatu o to ra'i ra: e ua hopoi mai ratou i te mau farii i tana

faro i mua ia oe; o ua iuu oe, e te mau taata mana i o oe nei, e to mau vahine, e to mau vahine tavini i te uaina i roto ra; e ua haamaitai oe i te mau atua ario, e te auro, e te vec, e te auri, e te raau, e te ofai, o te ore e tia ia hi'o, aore hoi i faaroo, aore hoi i ite: e te Atua tei roto i tana rima to aho, e o te tia ia faaau noa 'tu i to oe atoa ra mau haerea ia'na, aita oe i faateitei ia'na.

24 I reira taua pae rima ra i te hopoiraahia mai; e teie taua parau i pspaihia maira. 25 Teie taua parau i papaihia ra, MENE, MENE, TEKEL, U-PHARISINE. 26 Teie te auraa i taua mau parau nei: MENE; Ua taiohia e te Atua to basileia, e ua faaoti. 27 TEKEL; Ua faitohia oe i te fuito, e aita i tia. 28 PERESE; Ua tufahia to oe ra basileia, e ua horohia i to Medai e to Pereaia. 29 Ua faaue atura Belasazara, e ua faaahu atura ratou ia Daniela i te ahu ura, e te tahi sifi auro i nia i tana a'i, e ua poro haere atura ratou ia'na, e o te tootoru oia i taua basileia ra.

30 Tei taua rui ra, te arii o te Kaladaio ra o Belesazara i te taparahiraahia. 31 Riro atura taua basileia ra ia Dariu i Medai, ua tae i te ono ahuru e ma piti i to'na ra matahiti.

To Daniela faateiteiraahia e te feti mana ra.

6 UA faatia a'era Dariu i na tavana ho'e hanere e piti ahuru i nia i taua basileia ra, e i nia ia i taua basileia atoa ra; 2 e i nia hoi ia ratou ra na auvaha ia tootoru, o Daniela te ho'e, ia hopoi te mau tavana i ta ratou parau i reira, e eiaha ia ere te arii ra.

3 Hau e atura taua taata nei o Daniela i te mau auvaha, e te mau tavana, no te mea ua hau e to'na aau; te mana'o ra hoi te arii e tuu ia'na i nia i taua fenua atoa ra. 4 Ua imi ihora te mau auvaha e te mau tavana i te tahi pariraa 'tu ia Daniela i taua basileia ra; aita a'era ra i itea ia ratou te pariraa 'tu, e te ino; no te mea e parau haavare ore ta'na, e aore roa e hapa e te ino i itea ia'na. 5 Ua na o a'era taua mau taata ra, Aita roa a tatou e pariraa e itea i teie nei taata ia Daniela nei, maori ra ei te ture a to'na iho Atua e noaa 'i. 6 Ua haaputupu tu ihora taua mau auvaha ra e te mau tavana i o te arii ra, e ua na o atura ia'na. E te arii ra, e Dariu, ia ora oe e a muri noa 'tu. 7 I paraparau na te mau auvaha o te basileia nei, e te feti e apoo ra, e te mau tavana, e te mau faa'a'o, e te mau raatira, e faatupu i te tahi parau na te arii, e faariro hoi ei parau mau, e te taata ia ani i tana aniraa i te taata nei, e te Atua atoa hoi, maori ra ia oe ra, e te arii, e aita i hope na mahana e

torn ahuru, e hurihia ia i roto i te apoo o te mau liona ra. 8 E teie nei, e to arii, e haamua hua 6e i taua parau nei, e papai hoi i to i'oa i te parau i papaihia nei, ia ore ia ruri-ê-hia, mai te ture a to Medai e to Peresia, e ore e ruri-ê-hia ra. 9 Ua tapac atura hoi te arii ra o Dariu i taua parau ra e tei papaihia ra.

10 Ite noa râ Daniela e ua tapachia taua parau ra, ua haere noa 'tura i roto i to'na fare; e te hamâmâ noa ra te mau haamaramarama o to'na pihia i te pae au i fariu tia i Ierusalem, ua tuu ihora oia i tana turi i raro e a toru tuuraa i te mahana hoê, e ua pure ihora e ua haamaitai i tana Atua, mai ta'na hoi i na reira i mutaa ihora. 11 Ua haaputupu maira taua mau taata ra, e ite atura ia Daniela i te pureraa e te aniraa 'tu i to'na Atua. 12 Ua haafatata ihora e ua parau atura i te arii i taua parau a te arii ra; Aita oe i tapao i te hoê parau ra, e te taata e faaito i taua aniraa i te hoê atua e te taata, maori râ ia oe, e te arii, e aita i hope na mahana e toru ahuru ra, e hurihia ia i roto i te apoo o te mau liona ra? Ua parau maira te arii, na ô maira, Ua tatinahia ia parau mai te ture a to Medai e to Peresia, tei ore e ruri-ê-hia ra. 13 Ua parau atura ratou, na ô atura i taua arii ra, O Daniela, no te tamarii o Iuda i pau ra, aore ia e haapao ia oe, e te arii, e te parau i tapachia e oe, e toru hoi a'ra pureraa i te mahana hoê. 14 Ite a'era râ te arii i taua parau ra, ahoaho rea a'era oia, e ua imi ihora i roto i to'na aan i te ravea e ora i Daniela; e ua faaitoito ihora oia e mairi noa 'tura te mahana i te faacoraraa ia'na. 15 Ua haaputupu maira râ teie nei mau taata i te arii ra, e ua parau atura i te arii, ia ite mai oe, e te arii, o te ture a to Medai e to Peresia, o teie ia, Aita roa e ture e aita roa e parau i haamauhia e te arii ra e tia ia faahuru ê. 16 Ua faaue a'era te arii, arataihia maira Daniela e hurihia 'tura i roto i te apoo o te mau liona. Ua parau maira te arii, na ô maira ia Daniela, O to Atua ta oe i haamori tamau maite ra, na'na oe e faora. 17 E ua hopoikia mai te hoê ofai e tuuhia ihora i nia i te auvaha o taua apoo ra; tapirihia 'tura e te arii i to'na ihora tapao, e te tapao atoa o te feia mana i o'na ra; ia ore ia ruri-ê-hia te parau ia Daniela.

18 Ua haere atura te arii i to'na iho aorai, e ao a'era te reira rui i te tafaa ore; e aore hoi te mau peu faaoto peho i hopoikia mai i mua ia'na; e ore roa a'era to'na taoto. 19 Ua tia a'era te arii i nia i te poipoi roa, e ua haere etaeata 'tura i te apoo o te mau liona.

20 E tas atura oia i taua apoo ra, na pii aroha 'tura oia ia Daniela; e ua parau atura te arii, na ô atura ia Daniela, E Daniela, e te tavini o te Atua ora ra, ua faoraanei to Atua ta oe i haamori tamau na ia oe i te mau liona? 21 Ua parau maira Daniela i te arii, E te arii e, ia ora oe e a muri noa 'tu. 22 Ua tono mai tau Atua i tana melahi, e ua opani oia i te vaha o te mau liona, e aita ratou i rave noa mai ia'u: no te mea te itea ra te haavare ore i roto ia'u nei i mua i tana aro; e ia oe atoa hoi, e te arii, aore roa hoi au i rave i te ino. 23 Oaca roa a'era te arii, e ua faaue atura ia ravehia mai Daniela i roto i taua apoo ra; e ia ravehia 'tu Daniela i roto i taua apoo ra, aore roa e pahure i nia ia'na, no te mea ua faaroo oia i to'na ra Atua. 24 Ua faaue atura te arii, e ua arataihia mai taua feia i pari ia Daniela ra, e hurihia 'tura i roto i te apoo o te mau liona, e ta ratou mau tamarii, e te mau vahine; e aore a'era ratou i tas rea i raro i te apoo ra, pau maira ratou i te mau liona, fatifati roa a'era to ratou mau ivi.

25 Ua papai atura te arii ra o Dariu i te parau i te taata atoa, e te mau fenua, e te mau re'o atoa e parahi i nia i te fenua atoa nei; ia faarahihia mai to outou hau. 26 Te fantupu nei au i te parau, E ia rurutaina outou e ati noa "e i to'u nei basileia, e ia mât'a'u i te aro o te Atua o Daniela; oia te Atua e ora nei, e aore roa e aueue, e ore roa hoi to'na basileia e mou, e tas roa hoi to'na mana e hope roa "e teie nei ao. 27 Tei ia'na te tiqi tei ia'na te faora, tei ia'na te rave i te tapao, e te mea maerehia i nia i te ra'i e i nia atoa i te fenua nei, o tei faora iho nei ia Daniela i te puai o te liona. 28 Tupu atura taua taata nei o Daniela i te maitai i te hau o Dariu, e te hau atoa o Kuro i Peresia.

To orama a Daniela i na puua e maha, e no te basileia a te Atua.

7 I TE matahiti matamua o te arii o Babulonia ra o Belesazara, e taoto ia Daniela, e te orama i taua upoo i nia i tana roi; ua papai ihora oia i taua taoto ra, e ua faaito atura i ta'na parau. 2 Ua parau ihora Daniela, na ô a'era, Hi'o atura vau i taua orama no'u i te rui ra, e, inaha, ua puroro noa maira na mea i o te ra'i e maha atoa ra i nia i te moana rahi ra. 3 Ua haere maira na mea ora rarahi e maha mai raro mai i te miti ra, e huru ê ana'e to ratou. 4 O tei mutaa ihora mai te liona nei ia, e pererau asto ra te pererau: te hi'o noa ra vau e pau a'era na pererau e pee ai i nia ra i te hutihutihia; ua tia noa maira te avae mai te taata ra, e e au taata tei horoa-

hia 'tu ia'na. 5 E inaha, e mea ora ê maira ia, o te piti ia, mai te daba te huru, ua faatiahia te hoê pae au i nia, e toru ivi acao i te vaha i ropu i na niho ra; e ua parauhia 'tu oia, A tia a amu e ia rahi. 6 E oti a'era te reira, te hi'o noa ra vau, e inaha, te vai ra te tahi mai te nemera, e maha o'na pererau manu i nia i te tua; e maha hoi afii to taua mea ora ra; e mana hoi tei horoahia no'na. 7 E i muri a'e i te reira, ite atura vau i te orama i te po ra, e inaha, o te maha ia o te mea ora, e me riararia e te mehamehahia, e te puai rahi: niho rahi auri to'na; ua amu hoi te reira, e ua pau, e ua ofatifati, e ua taataahi i te toea i te avae: e huru ê hoi to te reira i to te mau mea ora rarahi i mutaa ihora; hoê ahuru hoi o'na tara. 8 Ua mana'o ihora vau i taua mau tara ra, e, inaha, ua tupu maira te hoê tara iti i roto ia ratou, i mua "e ra i te reira iritihia a'era na tara i mutaa ihora e toru: e, inaha, e mata tei teie nei tara mai te mata o te taata ra, e te vaha hoi i te parauraa i te parau rahi.

9 Te hi'o ra vau, e haamauhia ihora te mau terono e ua parahi maira To te mau mahana tahito ra, o tei au to'na ahu i te hiona i te teates, e te rourou o tana upoo, mai te huruhuru mamoe maitai ra ia: e auahi ura to'na terono, e to'na pereoo e auahi ama ia. 10 Puroro noa maira te auahi tarapape mai mua mai ia'na: e ua tausani hoi te tausaniira e te tavinira ia'na ra, e ua ahuru hoi te tausaniira i te manotini i te tiaraa i mua i tana aro: parahi ihora te haavaraa, e ua heheuhia te mau buka. 11 Ua hi'o ihora vau e no te parau rahi i parauhia e taua tara ra; hi'o ihora vau, e taparahihia taua mea ora ra, e pau a'era to'na pera, e tuuhia 'tura i te auahi ama ra. 12 Area te tahi pae i taua mau mea ora rarahi ra, ravehia a'era to ratou mana; i haamaorohia râ to ratou aho e ia tae i te tau e te taime. 13 Hi'o ihora vau i taua orama i te rui ra, e, inaha, te hoê mai te Tamaiti a te taata ra i te haerea mai na roto i te mau ata o te ra'i ra; e ua haafatata 'tura oia i To te mau mahana tahito ra, e tuuhia ihora i pihai iho ia'na. 14 E ua horoahia maira te mana, e te hinuhinu, e te basileia no'na, ia auraro mai te taata atoa, e te mau fenua ato, e te re'o atoa ia'na: to'na mana, e mana mure ore ia, e ore ia e mou, e to'na basileia, e ore ia e pau.

15 Ahoaho a'era vau i tau varua, o vau nei o Daniela. i roto i to'u nei tino: e no te ahoaho rahi to'u i taua orama i tau upoo nei. 16 Ua haere ihora vau i te hoê i tia noa mai i pihai iho, e ua ui atura vau ia'na i te auraa mau i taua mau mea atoa nei; ua parau maira oia

ia'u, e ua faaite maira i te auraa ia'u, na ô maira: 17 Taua na mea ora rarahi e maha nei, e maha ia basileia, o te tupu ia i te fenua nei. 18 O te feia mo'a râ no Tei Teitei ra te rave i taua basileia nei, e no ratou roa 'tu te basileia, e s muri, e a muri noa 'tu. 19 Ua ui atura vau i te auraa i te maha o taua na mea ora rarahi, o tei ore i au ia ratou ra, e mehameha rahi ia, e niho auri hoi to'na, e to'na maiuu, e veo ia; o tei amu e ia pau roa, e ua ofatifati, e ua taataahi i te toea i to'na avae; 20 e na tara hoê ahuru i nia i te afii ra, e te hoê hoi tei tupu ra, e mairi ihora e toru i te reira ra: taua tara e mata to'na râ, e te vaha i te parauraa i te parau rahi ra, o tei itoito rahi to'na huru i to ratou atoa ra. 21 Te hi'o noa ra vau, e ua tama'i maira taua tara nei i te feia mo'a ra, e riro atura te re ia'na ra: 22 e tae maira To te mau mahana tahito ra, e ua tuuhia mai te haavaraa i te feia mo'a no Tei Teitei ra, ua tae a'era i te tau e riro ai te basileia i te feia mo'a ra.

23 Ua parau maira hoi oia, O te maha o te mea ora, o te maha ia o te basileia i te fenua nei, e huru ê hoi to'na i to te mau basileia atoa ra, e pau hoi te ao atoa nei i te reira, e taataahi hoi i raro, e ofatifati hua hoi. 24 E na tara hoê ahuru na roto i teie nei basileia, o na basileia ia hoê ahuru e tupu ra; e muri a'e e tupu ai te tahi; e huru ê hoi to te reira i tei mutaa ihora, e toru hoi basileia e pau ia'na. 25 E te arii hoi no te reira, o te parau ia i te parau faaino i Tei Teitei ra, e pau hoi te feia mo'a no Tei Teitei ra ia'na, e mana'o hoi e ruri ê i te taime e te mau ture: e tuuhia mai hoi ratou i tana rima, e hoê a'era tau e na tau hoi e te hoê tau vaeha. 26 E parahihia râ te haavaraa, ia rave-ê-hia to'na mana, ia pau e ia haamou-roa-hia. 27 E te basileia, e te mana, e te rahi atoa o te basileia i raro a'e i te ra'i atoa nei, o te horoahia ia i te mau taata ra, i te feia mo'a o Tei Teitei, no'na te basileia mou ore ra, e hope hoi te mau tavana atoa i te auraro mai e te faaroo ia'na. 28 O te hopea ia i taua parau ra. Area vau nei o Daniela, ahoaho roa a'era to'u mana'o, e huru ê atura tau mata ia'u nei: vaiiho ihora râ vau i taua parau nei i roto i tau aau.

Te orama a Daniela i te mamoe oni, e te puaniho pae ra.

8 TAE a'era i te toru o te matahiti i te hau o te arii ra o Belesazara, ua fa maira te tahi orama ia'u, ia Daniela nei, i muri a'e i tei itea ia'u i te matamehai o to'na hau. 2 Ite a'era vau i te hoê orama; i roto vau i te aorai ra i Susana i taua iteraa no'u ra, i te matacinaa ra i Elama; ite a'era vau i te orama e mai

te mea ra vau tei te pae pape ra ia Ulai. 3 Ua nânâ a'era vau i tau mata, e ite a'era, e, inaha, te tia noa maira i mua mai i taua pape ra te hoê mamoe oni e piti o'na tara: e tara teitei; e teitei rahi râ to te tahi i te tahi, e o tei teitei ra, i muri a'e ia te tupuraa. 4 Ite atura vau i taua mamoe oni ra i te nenei-tia-raa i te pae i te tooa o te râ ra, e te pae i apatoerau, e te pae i apatoa: e aore roa e puua ê i mua ia'na, e aore roa hoi e ora 'i i to'na mana; ua rave noa râ oia i to'na iho hinaaro, e rahi atura hoi oia. 5 E te mana'o noa ra vau, e, inaha, te haere maira te tahi puaniho oni mai te pae i te tooa o te râ ra na nia noa i te fenua e aore a'era i tiaia rea te repo ra: e tara huru ê hoi to taua puaniho ra, tei ropu i te area mata ra. 6 Ua haere maira oia i taua mamoe oni tara piti ra, ta'u i ite i te tiaraa i mua mai i taua pape ra, e ua horo u'ana noa 'tura oia i nia ia'na ma te puai rahi. 7 Ite atura vau ia'na i te taeraa i pibai iho i taua mamoe oni ra, a horo puai mai ai oia i nia ia'na ra, tui atura oia i taua mamoe oni ra, e pau ihora na tara e piti ra: e aore roa e puai to te mamoe oni e mau ai i mua ia'na, ua huri râ oia ia'na i raro i te repo, e ua taataahi i nia iho ia'na: e aore roa e ravea e ora 'i taua mamoe oni ra i to'na puai. 8 Tupu atura taua puaniho pae ra i te rahi; ia puai râ oia ra, ofatihia ihora te tara rahi ra; e i monohia mai te reira i na tara hi'ohia e maha ra, i na mata'i e maha o te ra'i ra. 9 Ua tupu maira te hoê tara iti no roto i te hoê ra, o tei tupu e rahi noa 'tura, i te pae i apatoa, e te pae i te hitia o te râ ra, e te pae i te fenua maitai ra. 10 Tupu atura hoi e taera-roa-hia to te ra'i ra; e ua huri maira i te tahi pae o te ra'i ra i raro, e te mau fetia i raro i te repo, e ua taataahi ihora. 11 Ua faarahi atura oia ia'na iho i te arii o taua nuu ra, e rave-ê-hia ihora te tusia no te mau mahana atoa ra ia'na, e haaviivihia ihora to'na vahi mo'a ra. 12 E ua tuhia 'tura te nuu, e te tusia no te mau mahana ra, no te hara, e ua faarue oia i te parau mau i raro i te repo: e ua rave hoi i to'na hinaaro, e tupu atura.

13 Ua faaroo atura vau i te hoê taata mo'a i te parauraa, ua parau atura hoi te tahi taata mo'a i taua taata mo'a i parau ra, Mai te aha ra te maoro i te taima i te orama no te tusia o te mau mahana nei, e te hara faaano ra i te taatahiraa i te vahi mo'a e te nuu ra? 14 Ua parau atura oia ia'na, E piti tau-sani e toru hanere i te mahana ei reira te vahi mo'a e tamâhia 'i.

15 E ite a'era vau o Daniela i taua orama ra, e ua imi hoi i te auraa, inaha, te tia noa maira i mua ia'u mai te taata te huru i reira. 16 Ua faaroo atura

vau i te re'o taata i ropu i na hiti pape ra ia Ulai, i te piiraa, e te na ôraa e, E Gaberiela, e faaite mai oe i teie nei taata i te orama nei. 17 Ua haere maira oia i pibai iho i to'u ra tiaraa; e tae maira oia, ua mâtâ'u ihora vau, e ua tipapa ihora vau i raro tau mata; ua parau maira râ oia ia'u, Ia ite mai hoi oe, e te tamaiti a te taata: ia tae hoi i te tau i haapaohia ra e faatupuhia 'i taua orama nei. 18 E te parau noa maira oia ia'u ra, roohia ihora vau i te matapouri, mairi ihora vau i raro tau mata i te repo: ua faatiaia maira râ oia ia'u, e ua faatia ia'u i nia. 19 Ua na ô maira oia, Inaha, e faaite atu vau ia oe i te hopea mai o taua riri tahoo ra: ia tae hoi i te taima i haapaohia ra e itea mai ai te hopea.

20 O te mamoe oni ta oe i hi'o ma te tara atoa, o na arii ia no Medai e no Peresia. 21 E te puaniho aito ra, o te arii ia no Lavana: e te tara rahi i ropu i te area mata ra, o te arii matamua ia. 22 E ofatihia ihora te reira, e monohia ihora e maha atoa ra, o na basileia ia e maha e tia mai no roto i taua fenua ra, eita râ e au i to'na mana. 23 E tae a'era i te hopea mai o to ratou ra basileia, e ia navai te feia hara ra, e tupu mai ai te hoê arii, ma te mata aito, e te ite hoi i te mau ravea e vare ai ra. 24 E puai rahi to'na, e ere râ i to taua puai no'na ra e tia 'i ta'na i rave; e rave rahi ra te pau ia'na, e tupu â ta'na, e manuia ta'na; o te feia mana hoi te pau ia'na e te mau taata te feia mo'a ra. 25 E no to'na paari e tupu ai te haavare i tana rima; e arue hoi to'na iho aaui ia'na iho, e rave rahi te vare ia'na i te hau; e tia mai hoi oia e mârô i te Arii o te mau arii; e ofatihia râ oia e aita e rima. 26 E te orama i te ahiahi ra e tei te poi-poi i faaitehia 'i ra, e parau mau ia: e teie nei e vaiho maitai na oe i taua orama nei; e roa hoi o'na pue mahana. 27 Matapourihia ihora vau o Daniela, e ma'ihia ihora i e fanu pue mahana; e muri a'era ua tia a'era vau, e ua rave i te chipa a te arii ra; e maere noa vau i taua orama ra, aore roa e taata i ite.

To Daniela faahaahaaraa, e te puerara ia faaorahia Ierusalem.

9 I TE matahiti matamua o Darius a Ahasueru, no te huai o Medai, e arii i nia i te fenua o te Kaladaio; 2^o te matahiti matamua o to'na ra hau, i ite ai au nei o Daniela i te mau buka ra i te matahiti i te taioraa, i tae mai ai te parau a Iehova i te peropheta ra ia Ieremia, e ia hitu a'e ahuru i te matahiti i te anoraa Ierusalem e hope ai. 3 Ua hi'o atura vau i nia i te Fatu ra i te Atua, i te imiraa i te pure, e te aniraa, e te haapaeraa maa, e te ahu oto, e

te rehu suahi: 4 ua pure atura vau i tau Atua ra ia Iehova, e ua fa'i atura vau, na ô atura, E te Fatu, e te Atua rahi, e te mäta'u, i te haapao-maite-raa i te faufaa e te aroha i te fela hinaaro mai ia oe ra, e tei haapao i ta oe ra parau; 5 ua hara matou, ua rave i te parau ino, ua faafia i te taiata, e ua tai-va, i te faarueras i ta oe i faane e ta oe faaauraa: 6 e aita a'enei matou i faaroo i to mau tavini i te mau peropheta ra, o tei parau mai i to oe ra i'oa i to matou mau arii, e to matou feia mana, e to matou mau metua, e te taata atoa o te fenua nei. 7 Tei ia oe, e te Fatu e, te parau-tia, area matou nei, o te mata haama ia, o tei iri mai i nia ia matou i teie nei; i te taata o Iuda, e to Ierusalem, e to Iseraela atoa e fatata nei, e to te atea ê, i te mau fenua atoa i tiahihia 'i ratou e oe, no to ratou ino i ravehia e ratou ia oe ra. 8 E te Fatu e, no matou mau â te mata haama, to matou mau arii, to matou feia mana, e to matou mau metua, no te mea ua rave matou i te hara i mua ia oe ra. 9 Tei te Fatu ra, tei to matou Atua, te aroha e te faaoreraa i te mau hara, taiva noa 'i tatou ia'na; 10 e aore a'enei i faaroo i te re'o o to tatou Atua ra o Iehova, ia haapao atu i ta'na mau ture i tuhia mai e ana i mua ia tatou e tana mau tavini te mau peropheta ra. 11 O Iseraela atoa hoi tei hapa i te ture na oe ra, e ua faarue e aore i faaroo i to oe re'o; i manii mai al te katara i nia ia tatou nei, e te täpü ia papaihia i roto i te ture a te tavini o te Atua ra a Mose, no te mea ua hara tatou ia'na. 12 Ua haapapu hua hoi oia i ta'na mau parau i parau mai ia tatou nei, e to tatou mau haava tei haava mai ia tatou ra, i te hopoiraa mai i teie nei ati rahi: aore roa hoi e raveras i raro a'e i te ra'i atoa nei mai te rave ia Ierusalem nei. 13 Mai tei papaihia i roto i te ture a Mose ra, o teie nei atoa ia ati i te iriraa mai i nia ia tatou nei: aita rä tatou i riru ei feia ani i te ora i te aro o to tatou Atua ra o Iehova, i te fariuraa mai i ta tatou mau parau ino, e te haapaoraa i ta oe ra parau mau. 14 I tiai ai hoi Iehova i taua ati nei, e i tuu mai ai i nia ia tatou nei: e parau-tia ana'e hoi ta to tatou Atua ia Iehova i te mau mea atoa ta'na e rave nei: aore a'enei hoi tatou i faaroo i taua re'o.

15 E teie nei, e te Fatu, e to matou Atua, o tei aratai mai i to mau taata mai te fenua ra mai Aiphiti ma te puai rahi, e ua itea to oe i'oa, mai tei teie nei mahana; ua hara matou, ua rave matou i te parau ino. 16 E te Fatu, i tei au hoi i ta oe atoa ra mau parau-tia, te tau atu nei au ia oe, ia fariu-ê-hia hoi to riri e to riri tahoo i to oe ra

oire i Ierusalem, i to mou'a mo'a ra: no te mea na to matou nei hara, e no te mau hara a to matou metua, e Ierusalem e to oe ra mau taata, tei riro ei tähitohitoraa na te fela atoa e haati mai ia matou nei. 17 E teie nei, e to matou Atua, e faaroo mai oe i te pure a to tavini nei, e ta'na e ani nei: no te Fatu nei hoi, e faaanaana mai hoi i to mata i nia i to vahi mo'a e ano nei. 18 E fariu mai i to tari'a, e tau Atua, e faaroo mai, e hi'o mai hoi to mata, ia ite mai oe i to matou pau, e te oire i mairihia i to na nei i'oa: e ere hoi no ta matou parau-tia i pure atu ai matou ia oe, no to oe rä aroha rahi. 19 E te Fatu e, e faaroo mai; e te Fatu e, e faaore mai i te hara; e te Fatu e, e haapao mai e rave hoi; eiaha e faaroaroa, i to oe iho hoi i'oa, e tau Atua: no te mea ua mairihia to oe oire e to oe ra mau taata i to oe iho i'oa.

20 Te parau noa ra vau, e te pure noa ra, e te fa'i noa ra vau i ta'u nei hara e te hara a tau mau taata nei a Iseraela, e te faaite ra vau i ta'u aniraa i te aro o tau Atua o Iehova, no te mou'a mo'a o tau Atua; 21 te parau noa ra vau i taua pure na'u ra, o taua taata ra o Gaberiela, o ta'u hoi i te orama i mutaa ihora, i te maue-oi-oi-raa mai e ua tae maira ia'u nei i te taime i te tusia ahiahi ra. 22 Ua faaite maira oia ia'u, ua parau maira ia'u, na ô maira, E Daniela, i haere mai nei au e faaite ia oe i teie nei mau parau. 23 I te haamataraa i taua pure na oe ra i reva mai ai te parau nei ta'u e haere mai e faaite, no te mea ua here-rahi-hia oe: a haapao mai hoi i taua parau nei, e haamana'o hoi i te orama. 24 E hitu ahururaa i te hebedoma i haapaohia i to oe ra mau taata, e to oe ra oire mo'a, ei opaniraa 'tu i te hara, ei faaotiraa 'tu i te mau ino, ei tatararaa 'tu i te hara, e ei faaoraa mai i te parau-tia mure ore ra, ei opaniraa 'tu i te orama e te tohu ra, e ei faatahinuraa i tei Mo'a Rahi ra. 25 E teie nei, e faaroo mai ia ite, e mai te tuuraa i taua parau i te rave faahou e te patu ia Ierusalem e te Mesia te Arii ra, e hitu ia hebedoma, e na hebedoma hoi e ono ahuru e piti tiahapa: e patu-faahou-hia hoi te mau aroa, e te mau aua, i te anotau ati rahi ra. 26 E hope a'era na hebedoma e ono ahuru e ma piti, e täpü-ê-hia 'i te Mesia, e ere rä no'na iho. No reira te mau taata o te arii e haere maira e haamou ai i te oire e te vahi mo'a; e motu ê atu hoi ratou mai te riro pape pue ra; e vai â hoi taua mau pau ra e hope roa a'era te tama'i. 27 E haapapu hoi oia i te hoê faufaa i te taata atoa e rave rahi e hoê a'era hebedoma: ei ropu i taua hebedoma e faa-

ore ai oia i te tunia e te ô ia ore; e riro ei roto i te hiero taua mea riaria faaano ra; e tuuhia hoi te reira no te pau e tae noa 'tu i te hopea i haapochia ra.

To Daniela faahaahaaraa, i horoahia mai ai te orama ia'na.

10 TAE a'era i te toru o te matahiti o 'arii o Peresia ra o Kuro, i faaitēhia mai ai te tahi parau ia Daniela, o tei mairihia o Beletesazara; e parau mau ra taua parau ra, o te taime rā i haapochia ra, te maoro ra ia: ua haapao atura oia i taua parau ra, e ua ite hoi i te orama. 2 I mihi noa na van nei o Daniela, e a toru atura o'u nei hebedoma i te mihiraa i reira. 3 Aore a'u e maa maitatai i amu; aore hoi e puua e te uaina i ô mai i roto i tau vaha, e aore roa vau i faatahinu ia'u iho, e hope a'era na hebedoma e toru atoa ra. 4 E tae a'era i te mahana taau ma maha o te marama matamua ra, ia'u i parahi i te hiti o taua pape rahi ra o Hidekela; 5 ua nānā a'era vau i tau mata i reira, e ua hi'o atura vau, e ite atura i te hoē taata i te ahuraa i te vavai, e ua tatuahia tana tauupu i te auro maitai no Uphaza; 6 e au hoi to'na tino i te tarisisa, e mai te uira to'na mata; e na mata no'na ra mai te lamepa auahi e ama ra, e na rima e na avae no'na ra, mai te veo faaansanahia ra ia, e te haruru o tana re'o, mai te re'o ia o te hoē tiria rahi ra. 7 O vau ana'e nei o Daniela tei ite i taua orama nei; aore hoi te mau taata i pihai iho ia'u ra i ite i taua orama nei; rochia ihora rā ratou e te mēta'u, e ua horo atura e tapuni. 8 Toe ihora o vau ana'e ra, ite atura vau i taua orama rahi nei, e aita 'tura o'u e puai toe i roto ia'u, riro atura hoi taua puai no'u ra mai te mea tahuti, e aore roa o'u e puai i toe. 9 Te faaroo atura rā vau i te haruru o ta'na parau; e i to'u faarooaraa i te haruru o ta'na parau, mairi matapouri noa 'tura vau i raro tau mata i te repo.

10 E, inaha, ua faatiaia maira te hoē rima ia'u, e ua faatia mai ia'u i nia au turi e o au apu rima. 11 Ua na ô maira oia ia'u, E Daniela, e te taata here-rāhi-hia ra, ia ite mai oe i te parau ta'u e parau atu ia oe na; e tia hua mai i nia; i tonobia mai hoi au ia oe nei i teie nei. E oti a'era te reira parau ia'u nei, tia ihora vau ma te rurutaina. 12 Ua na ô maira oia ia'u, Eiaha e mēta'u, e Daniela; mai te mahana matamua mai ā hoi ia oe i fariu i to asu i te imiraa i te ite ra, e te faahaahaaraa ia oe iho i tua i te aro o te Atua, ua faaroochia ta oe i ani i reira, e i haere mai ai hoi au nei no taua ani na oe ra. 13 O te arii rā o te basileia ra o Peresia

tei patoi mai ia'u e a piti a'enei ahuru hoē tiahapa i te mahana: e, inaha, o Mikaela, te hoē arii rahi, tei haere maf e tauturu ia'u; i maoro ai hoi au i reira i ô te mau arii no Peresia ra. 14 I haere mai nei hoi au e faaitē ia oe i te tupu i nia iho i to oe ra mau taata i te mau mahana hopea ra: e maoro rā e tupu ai taua orama nei.

15 E oti a'era teie nei parau i te parauhia mai e ana ia'u nei, ua fariu ihora vau i tau mata i raro i te repo, e riro atura vau ei vava. 16 E, inaha, ua faatiaia mai te hoē mai te tamaiti a te taata nei te huru i tau utu: matara a'era tau re'o, e ua parau ihora vau, na ô atura vau i tei tia mai i mua ia'u ra, E tau fatu, ua ho'i mai te oto i nia ia'u i teie nei orama, e aita 'tura o'u e puai e vai nei. 17 Eaha hoi e tia 'i i te tavini o tau fatu nei ia paraparau atu i tau fatu nei? area vau nei aita rea o'u puai i toe i roto ia'u nei, e aore rea o'u aho e vai nei i roto ia'u. 18 Ua faatiaia faahou maira te hoē mai te taata te huru ra ia'u, e ua faaetaeta maira ia'u. 19 E ua na ô maira, Eiaha e mēta'u, e tēra ra taata here-roa-hia ra, ia ora na oe, e faaetaeta, oia ia, e faaetaeta. E oti a'era ta'na parauraa mai ia'u ra; ua etaeta ihora vau, e ua na ô atura, E parau noa mai oe, e tau fatu; ua faaetaeta mai hoi oe ia'u. 20 Ua na ô maira oia, Ua ite oe i tau tere i haere mai ai au ia oe nei? e teie nei, teie au a'hi'o e aro i te arii no Peresia; e ia reva vau ra, inaha, e riro i te haere mai te arii no Iavana. 21 E faaitē atura rā vau ia oe i tei papahia i roto i te parau mau ra: e aore roa e tauturu mai ia'u i teie nei mau parau, maori rā o to outou arii, o Mikaela.

To Peresia pau i te arii o Iavana i faaitēhia nei.

11 I TA'U i tia i pihai iho i te matahiti matamua ia Darin e ati Medai, ei faaitōito e ei faaetaeta 'tu. 2 E teie nei, e faaitē atu vau ia oe i te parau mau. Inaha, e tootoru ā arii e tia mai i nia i Peresia; e te toomaha ra e tao'a rahi roa ta'na i ta ratou atoa ra: e ia tupu oia e ia etaeta, no te rahi o ta'na ra tao'a, na'na e faatiarepu i te taata atoa ei rave i taua fenua ra ia Lavang. 3 E i reira e tia mai ai te hoē arii rahi, e ma te mana rahi to'na hau, e ma te haapao i to'na ihora hinaaro. 4 Ia haapapuhia ra oia, e parari ai to'na basileia, e operehia ia ia maha tu'aa, i na mata'i e maha o te ra'i ra, cita rā e riro no to'na iho huai, e ore hoi e au i to'na mana a mana 'i oia ra: e taihitumuhia hoi to'na basileia, e riro hoi no vetahi ô atu ā.

5 E i reira e etæta 'i te arii no apatoa; e riro râ to'na re i te tahi taata rahi i ô na ra, e oia 'tura tei mana; e riro hoi taua mana no'na ra ei mana rahi. 6 E ia mahemo e fanu pue matahiti, e amui ai ratou ra; e riro hoi te tamahine o te arii i apatoa ra i te haere mai i te arii no apatoerau ra a faavaau ai i te auras; eita râ te mana o te rima e mau ia'na, e ore hoi oia e mau e to'na huaai: e tuua-ê-hia ra oia, e te feia i aratai mai ia'na, e ta'na tamaiti, e te feia atoa i turu mai ia'na i taua anouta ra.

7 No te ohi râ no te aa no'na te hoê i te tiarana mai ei mono ia'na, e haere mai ia ma te nuu atoa, e tomo hoi i te pare no te arii i apatoa, e rave hoi i te reira, e riro te re ia'na: 8 e to ratou mau atoa atoa, e te mau hoho'a i faatôhia ra, e ta ratou mau farii ario maitatai ra e te auro, o ta'na ia e rave mai ei tao'a pau i Aiphiti ra; e mana 'i oia i taua arii i apatoerau ra i e fanu pue matahiti. 9 E ia tae oia i te basileia no te arii i apatoa, e ho'i mai oia i to'na ihora fenua mau.

10 E riro râ ta'na mau tamarii i te amui i te tama'i, etæta rahi ta ratou e haaputu: e tae mai hoi te hoê, e manui noa mai ia, e reva roa hoi na roto, e e hopoi roa hoi i te tama'i e tae noa 'tu i te pare. 11 Rahi roa a'era te riri o te arii i apatoa, e ua haere mai i rapae e ua aro, i taua arii i apatoerau ra; e feia rahi roa ihora ta'na e haamau i te aro, e tuuhia 'tura te rahi atoa ra i tana rima. 12 E ia hopoi-ê-hia e ana taua rahi ra, e hopoi-teitei-hia tana aa; e rave rahi noa iho te tausani i hi'a ia'na, e ore â e riro te re ia'na. 13 E ho'i mai hoi te arii i apatoerau ra ma te taata rahi e iti tei a mutaa iho ia haamau i te aro ra, ia mahemo e fanu matahiti ra e tae mai ai, ma te nuu rahi e ma te tao'a rahi. 14 E ia tae i te reira tau, e rave rahi te tia mai i nia e rave i te arii i apatoa ra: e te mau tamarii mârô o to mau taata ra te faateitei ia ratou iho, ia tupu taua orama ra, e hi'a râ ratou. 15 E tae mai hoi taus arii i apatoerau ra, e ahu hoi i te repo ia teitei, e rave hoi i te mau oire i auahia ra: e te nuu a to apatoa ra, e te mau taata maitihia no'na ra, e ore ia e mau mai, aita hoi etæta e mau mai ai ra. 16 O to tii maira, e rave ia ia'na ra, e haapao ia i ta'na i hinaaro ra, e aore roa e taata e mau ai ia patoi ia'na; e mau hoi oia i taua fenua hinuhinu ra, e riro hoi i te pupaa atoa ia'na.

17 E riro oia i te mârô e faaô atu ma te puai o to'na atoa ra basileia; e na reira hoi oia e te feia parau-tia i te amuiraa 'tu ia'na, e horoa hoi oia i te tahi vahine apl na'na, ia rave-ino-hia; e ore râ oia e au maitai atu ia'na, e ia

riro no'na. 18 E muri a'e i te reira, e fariu ai oia i tana mata i te fenua miti fatata, e rave rahi hoi te pau; na te hoê taata mana ra e faaore i taua ino i huribia i nia ia'na ra; e hopoi maira oia i te faaino i nia ia'na iho. 19 E i reira oia e fariu ai i tana mata i te mau paro o to'na iho fenua; a turori râ oia e hi'a 'tu, e e'ore e itea.

20 E i reira e tia mai ai te hoê mai ia'na ra, o te tono i te tahi titau i te hinuhinu o taua basileia ra; e hope a'era e fanu pue mahana e pohe roa 'i oia, e ore râ e pohe i te riri, e ore atoa hoi i te tama'i. 21 E tia mai hoi mai ia'na ra te tahi taata vahavahahia ra, eiaha e horocabia 'tu te maitai ra o te basileia ia'na; e haere hau noa maira oia, e riro te basileia ia'na i te taparu. 22 E te nuu o te fenua ninahia ra, e nina-atoa-hia ia i mua ia'na, e e ofatihia; e te arii atoa i haafaufahia ra. 23 E muri a'e i te firia parau i faaauhia ia'na ra e haavare mai ai oia ra: e tae mai hoi oia, e riro hoi i te etæta e aita rea e taata. 24 E tae mai hoi oia i te vahi hau e te vahi tao'a i taua fenua ra; e rave hoi oia i ta to'na ra mau metua e to ratou atoa ra mau metua aore i rave: o te tao'a haru, e te tao'a pau, e te mau tao'a atoa ra, o ta'na ia e haapurara haere noa i roto ia ratou, e opua hoi oia i ta'na ravea i te mau haapuraa etæta e tae noa 'tu i te hoê tau. 25 E faaaraara hoi oia i to'na etæta, e to'na itoito ia itoito i te arii no apatoa ma te nuu rahi; e aro mai hoi te arii i apatoa ma te nuu rahi roa e te puai; e ore râ oia e mau mai; e riro hoi ratou i te opua i ta ratou ravea ia'na. 26 Oia ia, na tei amui i ta'na ra maa e imi i to'na pohe; e e nina-noa-hia tana ra nuu, e hi'a hoi ratou e rave rahi i raro ma te pohe roa. 27 E te mana'o o eie nei pue arii toopiti, o te hamani ino ia, e parau hoi ratou i te parau haavare i te amuraa-maa hoê ra; e ore râ e tupu; ia tae hoi i te tau i haapaohia ra, o te hopea ihora ia. 28 E i reira oia e ho'i ai i to'na ihora fenua ma te tao'a rahi; e no te mea ua opuahia ta'na parau eiaha te faufaa mo'a ra, e riro oia i te rave i te ho'iraa i tana fenua ra.

29 Ia tae i te tau i haapaohia ra, e ho'i faahou ai oia i te pae i apatoa ra; e ore râ e riro mai tei a mutaa ihora, e mai tei muri a'e hoi. 30 O te mau pahi o te ati Kitima te tii mai e rave ia'na, e riro hoi oia i te inoino; e tano faahou â to'na riri i te faufaa mo'a ra, e ia ho'i ra e faatupu ai: e amui hoi oia i ta'na parau i te feia e faarue i te faufaa mo'a ra. 31 E i muri a'e ia'na ra, e tia atoa mai ai te nuu atoa ra, a haavivivi ai i te vahi mo'a i faaetæta-rahi-hia ra, e ua hopoi ô i te tusia no te

mau mahana atoa ra, a tuu atu ai i te mea faufau e ano ai ra i roto. 32 E te feia i hapa i taua faufaa ra e riro i te ino rahi i te taparu ra: o te feia rā i ite i to ratou Atua ra, e riro i te puai, e te haapao. 33 E te feia i haapii i te taata ra e rave rahi tei pii ia ratou; e pohe rā ratou i te 'o'e e te auahi, e titihia hoi, e pau hoi i te haru, e rave rahi te mahana. 34 E ia hi'a ratou ra, e turu-iti-hia mai ratou, e ere rā i te turu rahi; e rave rahi rā tei ati mai ia ratou i te taparu. 35 E hi'a hoi te tahi pae i taua mau haapii ra, ei tamataras 'tu ia ratou, e ei tamā 'tu, ei faateates ia ratou, e tae noa 'tu i te hopea ra: no te mea te vai ra te taima haapaohia. 36 E rave ai taua arii ra i ta'na iho i hinaaro; e faateitei oia ia'na iho, e faarahi hoi ia'na iho ia hau ē i te mau atua atoa ra, e parau hoi oia i te parau-maere-hia i te Atua no te mau atua ra, e riro hoi i te tupu, e ia hope roa te riri i te faatupuhia: o tei haapaohia rā, o te rave-mau-hia ia. 37 E ore oia e haapao i te Atua o to'na ra mau metua, e te hinaaro o te vahine; e ore oia e haapao i te mau atua atoa ra, e faarahi oia ia'na iho ia hau i te mau mea atoa ra. 38 I to'na ra vahii oia e faatura 'i i te Atua o te mau vahii etaeata ra; e atua hoi tei ore i itea e to'na ra mau metua; ta'na ia e faatura, ma te auro, e te ario, e te mau ofai maitatai, e te mau mea hinaarohia ra. 39 E na reira oia i te haapao i taua mau vahii etaeata roa ra, ma te atua ē atoa, o tei ore e hunahia e ana, e faarahi atu oia i te tura; e haamana 'tu hoi oia i te taata atoa e rave rahi, e tufa hoi i te fenua ia tao'ahia.

40 Ia tae ra i te taima hopea ra e nenei mai ai te arii i apatoa ra ia'na; e haerehia maira oia e te arii no apatoerau ra mai te puahi'ohi'o ra, ma te pereco ana'e, e te faahoro puahorofenua ra, e ma te pahi atoa e rave rahi; e faaō atoa 'tu oia i roto i te mau mataeinaa, e manii noa 'tu e ua na roto i te haere. 41 E faaō atoa hoi oia i roto i te fenua hinuhinu ra, e rave rahi hoi te fenua e huri-tumu-hia 'tu; o teie rā te ora i taua rima no'na ra, oia hoi o Edoma, e o Moabi, e te rahi hoi o te tamariki e Amona. 42 E faatoro rā oia i tana rima na nia i te mau fenua; e ore atoa hoi te fenua ra o Aiphiti e ora. 43 E mana rā oia i nia i te tao'a ra i te auro, e te ario, e i nia atoa i te mau tao'a maitatai i Aiphiti: o to Lubi, e to Kusa, tei ia'na atoa ia. 44 E aehuehu rā oia i te parau no te hitia o te rā mai e no te pae i apatoerau: i haere ai oia ma te riri rahi ia pau, e ia faa hope roa te taata e rave rahi no te pohe roa. 45 Na'na e haamau i to'na iho tiahapa, to'na iho fare i ropu i na' miti ra i nia i te mou'a mo'a

hanahana ra; e tae rā oia i to'na iho hopea, e aore roa o'na e tauturu. 9

O Mikaela te faaora ia Iseraela i to ratou ra paa.

12 IA tae i te reira ra tau e tia mai ai te arii rahi ra o Mikaela, o tei tia mai e faatia i te mau tamariki a to oe ra mau taata: ei reira te anotau ahoaho, aita ia ahoaho mai te tupuraa mai o te fenua ra e tae roa a'enei i teie nei taima: ia tae hoi i te reira tau e ora 'i to oe mau taata, te feia atoa i papaihia i roto i te buka ra. 2 E rave rahi tei taoto i raro i te repo nei e ara mai; e rave i te ora mure ore te tahi pae, e te tahi pae e rave ia i te haama e te vaha-vaha mure ore. 3 E te feia i haapii i te parau maitai ra, e anaana mai ia mai te anaana o te ra'i ra; e o tei faafariu i te taata e rave rahi i te parau-tia ra, mai te mau fetia atoa ra ia e a muri noa 'tu. 4 O oe na rā, e Daniela, e opani i teie nei mau parau, e tapiri atu i te buka e tae noa 'tu i te fau hopea ra: e rave rahi hoi te horo i nia e i raro, e tupu atura te ite i te rahiraa.

5 Ua hi'o atura vau nei, o Daniela, e, inaha, te tia noa maira ve toopiti ā, tei teie nei hiti pape te hoē i te tiaraa, e tei tera hiti pape te hoē. 6 Ua parau maira te hoē i te taata i ahū mai i te ahū vavai, i nia 'e i taua anapape ra, Mai te aha ra te maoro e tae na ai te hopea o teie nei mau mea i maerehia nei? 7 Faaroo atura hoi au i te taata i ahū i te ahū vavai i nia 'e i taua anapape ra, ia'na i hopoi i tana rima atau e te rima au i nia i te ra'i, a tāpū ai i tei ora e a muri noa 'tu, e hoē ā tau, e na tau e piti hoi, e te tau vaaaha; e ia hope roa te haapurararara i te feia mo'a ra, e hope ai teie nei mau parau i te tupu.

8 Te faaroo atura vau, aita rā vau i ite: ua parau atura vau, E tau Fatu, eaha na te hopea i teie nei mau parau? 9 Ua parau maira oia ia'ua, A haere, e Daniela: ua opanihia taua parau nei, ua tapirihia e tae noa 'tu i te tau hopea ra. 10 E rave rahi te haamaitaihia, e e faateateahia, ia, tamatahia ra; e rave rā te taata ino i te parau ino: e ore hoi te taata ino e ite e ite rā te feia paari. 11 E teie nei, e moti te taima e hopoi-ē-hia 'i te tusia no te mau mahana atoa ra, e faatiahia 'i te mea faufau e ano ai ra, e riro hoē tausani e piti hanere e iva ahuru i te mahana. 12 E ao rā to'na to te tiai maite, e tae noa 'tu i te tausani e toru hanere e toru ahuru ma pae i te mahana. 13 E haere rā oe e tae noa 'tu i te hopea: e faaearaa hoi to oe, e mau hoi oe i to oe kelero ia tao i te hopea o te mau mahana ra.

BUKA A HOSEA.

Te faaita nei Hosea i te riri o te Atua i te laiva.

1 TE parau a Iehova i tae mai ia Hosea a Beeri, i te anotau ia Uzia, e ia Iotama, e ia Ahaz, e ia Hezekia, e mau arii ana'e no Iuda, e te anotau hoi ia Ieroboama a Ioasa, o te arii no Iseraela. **2** Te haamataraa o te parau a Iehova ia Hosea ra. Ua parau maira Iehova ia Hosea, A haere e rave i te ho'e vahine i mataro i te taiata, e haafanau hoi i te tamarii i mataro i te taiata; tei te taiata 'tura hoi te fenua nei, e ua taiva roa ia Iehova. **3** Ua haere atura oia e ua rave atura ia Gomera, i te tamahine a Dibilaima; ua tō ihora oia e fanau maira e tamaroa. **4** Ua parau maira Iehova ia'na, Ia mairihia oia ia Iezereela; ia rocau iti a'e hoi, na tahoo atu vau i te toto o Iezereela i nia i te utuafare o Iohu e faaore roa hoi i te basileia o te utuafare o Iseraela. **5** E ia tae i taua mahana ra, e ofati ai au i te fana o Iseraela i te peho o Iezereela.

6 Ua tō faahou ihora hoi oia e fanau maira e tamahine, e ua parau maira Iehova ia'na, Ia mairihia oia ia Loruhamana, e ere hoi au e aroha faahou i te utuafare o Iseraela; e hopoi-ē-roahia rā ratou e au; **7** i te utuafare rā o Iuda, e aroha ia vau; e faaora vau ia ratou i to ratou Atua ra ia Iehova; e ore rā vau e faaora ia ratou i te fana e te 'o'e, e te tamā'i, e te puahoro-fenua, e te faahoro puahoro-fenua ra.

8 E haamairi ihora oia i te ū ia Loruhamana, ua tō ihora e fanau maira e tamaroa. **9** Ua parau maira Iehova, Ia mairihia oia ia Lo-ami: e ere hoi outou i to'u ra mau taata, e ere hoi au i te Atua no outou.

10 I te taivara rā i te tamarii a Iseraela, e riro ia mai te one tabatai ra, o tel ore e tia ia faite e ia talo ra; e riro hoi ei te vahii i parauhia 'tu ai ratou e, E ere outou i to'u ra taata, ei reira ratou e parauhia 'tu ai, E tamarii ana'e outou na te Atua ora ra. **11** Ei reira te mau tamarii a Iuda e te mau tamarii a Iseraela e haaputupu ai, a faataa 'tu ai i te ho'e no nia iho ia ratou, a haere mai ai ratou mai te fenua maira; e riro hoi te mahana o Iezereela i te rahi.

Te haamori idolo o te taata, e te tahoo a te Atua i te reira.

2 E PARAU atu outou i to outou mau taata, E Ami e; e to outou mau vahine, E Rubama e. **2** E haava 'tu i to outou metua vahine, e haava 'tu: e ere hoi oia i te vahine na'u, e ere atoa hoi au i te tane na'na: e tuu ē atu oia i ta'na ra mau parau taiata ia'na ra, e ta'na ra mau faaturi i na ū no'na ra; **3** o te taratara vau i to'na atu e vaiho tahaa noa ihora oia, e ua vaiho noa ia'na mai tei te mahana i fanau mai ai oia ra; e ua faairi-ia'na mai te medehara, e ia riro hoi oia mai te fenua mārō e pohe ihora ia'u i te poiha; **4** e aore hoi i aroha i ta'na mau tamarii; no te mea e tamarii mataro i te taiata. **5** Ua haapeu taiata hoi to ratou metua vahine; o tel tō ia ratou ra, ua faatupu ia i te haama: ua parau hoi oia, E pee au i tel hinaaro mai ia'u ra, o tel horoa mai i te maa na'u e te pape na'u, tau huruhuru mamōe e tau vavai, tau mono'i e ta'u e inu nei.

6 E teie nei, inaha, e arai au i to'na e'a i te rau taratara, e aua vau ia'na i te aua o'ai, e ore oia e ite i tana haereraa 'tu. **7** E pee hoi oia i tel hinaaro mai ia'na ra, e ore rā e roohia 'tu ia'na: e imi hoi oia, e ore rā e ite; ei reira oia e parau ai e, E hoi faahou vau i tau tane metua ra, e maitai hoi to'u i reira i teie nei. **8** Aita rā oia i ite e, o vau tei ho-atu ia'na i te sitona, e te uaina, e te mond'i, e ario e rave rahi ta'u i hopoi na'na, e te auro ta ratou i hopoi no Beala. **9** E teie nei, te hoi nei au e rave i tau sitona i to'na taima; e tau uaina i to'na tau; e rave mai hoi au i tau huruhuru mamōe e tau vavai e tapo'hia i oia ra. **10** E ei teie nei au e faite atu ai i tel hinaaro mai ia'na i to'na ino; e aore roa o'na e ora i tau rima nei. **11** E faaore atoa hoi au i to'na mau mea arearea, i to'na ra mau mahana croa, e to'na mau marama api, e to'na mau sabati, e to'na ra mau amuiraa rahi mo'a ra. **12** E pohe hoi te mau vine e te mau suke na'na ia'u, ta'na i parau mai e, O ta'u teie tarahu, i ia te feia i hinaaro mai ia'u ra i hopoi mai; e faairi vau i te reira ei ururau, e na te mau puaa o te fenua nei o amu.